

Matumuuna aalisarnermi saniatigut pisat pillugit Namminersorlutik Oqartussat nalunaarutissaattut siunnersuut tusarniutigineqarluni nassiunneqarpoq.

Tusarniutigineqartoq makkunanga ilanngussartaqarpoq:

- Uunga siunnersuut: Aalisarnermi saniatigut pisat pillugit Namminersorlutik Oqartussat nalunaarutaat
- Ilangussat 1 - 4

Siunnersuummut oqaaseqaatit Aalisarnermut, Piniarnermut, Nunalerinermut Imminullu Pilersornermut Naalakkersuisoqarfimmit kingusinnerpaamik tiguneqareersimassapput :

10/11/2025, nal. 16.00

Siunnersuummut oqaaseqaatissat uunga nassiunneqassapput e-mailimut apn@nanog.gl imaluunniit allakkatigut, uunga:

Aalisarnermut, Piniarnermut, Nunalerinermut Imminullu Pilersornermut Naalakkersuisoqarfik
Imaneq 1A, 701
Postboks 296
3900 Nuuk

Siunnersuut Naalakkersuisut tusarniaasarfianni aamma nassaarineqarsinnaavoq, uani:
https://naalakkersuisut.gl/Hoeringer?sc_lang=da

Siunnersuutip tunuliaqutaa

Siunnersuut Inatsisartut aalisarnerq pillugu inatsisaata, ulloq 16. maj 2024-mi akuerineqartup ilagivaa. Siunnersuummi siunertarineqarpoq saniatigut pisarineqartartut pillugit nalunaarutip 2011-meersup nutarterneqarnissaa kiisalu nalunaarummi pisariaqartutut nalilerneqartunik nutaanik malittarisassaliuunnissaat. Nalunaarut inuussutissarsiutigalugu aalisarnerni tamani atuuppoq. Tamanna Kalaallit Nunaanni Aalisarnermut Piniarnermullu Nakkutilliisoqarfik qanimut suleqatigalugu suliarineqarsimavoq, nalunaarummi nutarterneqartariaqartunik nakkutilliinermi unammilligassanik isiginiarneqartariaqartunik arlalinnik peqarmat. Taamaattumik annertuumik nutarterisoqarsimavoq annertuunillu allannguisoqarsimalluni kiisalu annikinnerusunik allannguisoqarsimalluni - allannguinerit pingaarnerit ilaat ataani atuarneqarsinnaapput.

Allannguutaasut pingaarnerit:

1. Qitiulluinnartumik saniatigut pisat pillugit nassuiaatini pisat atortorissaarutit aalisarnermi inerteqqutaasut atorlugit pisarineqarsimasut ilanngunneqarput, aalisagaqatigiinnut pineqartunut akuersissuteqartoqarnera apeqqutaatinnagu.
2. Killeqarfiup iluani qassusersornermi ningittagarsonermilu nuutsitsinermut nutaanik malittarisassaqaalerpoq.
3. Aalisariutit angalatillugi tulaassitillugit saniatigut pisat annertussusaat qummut killilerlugit nutaanik malittarisassaqaalerpoq.
4. Siornatigutut pisat tamarmik tulaanneqartussaataitanerisa paarlattuanik maannakkut oqaasertalerneqarpoq aalisagaqatigiit sorliit tulaanneqartussaataitanersut. Aalisagaqatigiit tulaanneqartussaataitaasut maanna ilanngussani takuneqarsinnaapput.
5. Aalisagaqatigiit arlallit minnerpaaffissaat oqaasertalerneqarput.

Allannguutit annikinnerit:

1. Aalisagaqatigiit imaani sunnertiasunut uuttuutaasartut tassungalu killigititaasut piujuartitsineq siunertaralugu aalisarnerup teknikikkut iluarsartuussivigineqarnera pillugu nalunaarutitoqqanit saniatigut pisat pillugit nalunaarummut matumunnga ilanngunneqarput. Tamatuma peqatigisaanik killissarititaasut nalimmassarneqarsimapput.
2. Eqalussuit pillugit malittarisassanik ilanngussisoqarpoq.
3. Maanna pisanik avalatsitseqqiineq ("Slipping") pillugu malittarisassanik ilanngussisoqarpoq.
4. Aalisagaqatigiit suut avalatseqqinneqartassanersut pillugu ilanngussamik ilanngussisoqarpoq.
5. Sinerissap qanittuani pisassiissutitaqanngitsumik aalisagaqatigiit arlallit aalisarneqarsinnaanerat/tunineqarsinnaanerat pillugu maanna ilanngussaqaalerpoq.
6. Nataarnanik saniatigut pisat pillugit immikkut malittarisassat peerneqarput.

Allannguutit arlaqarput kiisalu malittarisassat nutaat siunnersuummi takuneqarsinnaallutik.

Tamatuma saniatigut aamma allassimanerani amerlasuutigut allannguisoqarpoq nutarterisoqarlunilu kiisalu naqqiinerit annikitsut allannguinerillu ilanngunneqarlutik.

Inussiarnersumik Inuulluaqqusillunga

Aalisarnermut, Piniarnermullu, Nunalerinermut Imminullu Pilersornermut Naalakkersuisoqarfik
apn@nanoq.gl